

廣四十家小說第三冊

新嘉坡
中華書局
叻

友會談叢序

余讀古今小說洎志怪之書多矣。常有跋扈述之意。自幼隨侍南北。及長。旅進科場。每接縉紳先生。貢聞名輩。劇談正論之暇。開樽抵掌之餘。或引所聞。輒形紀錄。並諧辭俚語。非由臆說。亦綜緝之。頗盈編簡。今年春策不中。掩袂東歸。用舍行藏。下學上達。賴庭闈之陰。無菽水之勞。顧驚駘之已然。詎規磨之可益。身閒晝永。何以自娛。因發篋所記之言百餘紙。始則勤於採綴。終則涉乎繁蕪。於是乎筆削芟夷。得在人耳目者六十事。不拘詮次。但釐為三卷。目之曰友會談叢。且念袁郊以步武生疾。則甘澤之謠興。李玫以養病端居。乃纂異之記作。苟非閑暇。曷遂擒毫。彼前輩屬辭。不將迎而遇物。而小子晞驥甘萋。非以成章。深慚雞肋之微。竊懷敝帚之愛。穀梁曰。信以傳信。疑以傳疑。子夏曰。雖小道必有可觀者。博練精識者。幸體茲而恕焉。其如朽軸靡工。序述非據。蓋事實而言鄙。學淺而辭荒。誠語怪之亂倫。匪精神之可補。聊貽同志。敢冀開顏。時天聖五年七月朔。華陽上官融序。

友會談叢卷上

華陽上官 融撰

太祖初年。神降鳳翔府。盤屋縣。望仙鄉。張氏家。張愚民也。設神座。烹羊豕祀之。若巫覡事。像則寂爾。聲乃冷。然辭旨幽深。聞者增懼。秦雍之地。祈禱畢臻。未幾。神謂張曰。吾禹疆之官屬。上天之尊神也。羊豕之屬。固非其物。悉宜撤之。但設香果。蒞府者。以事動遠邇。驛置上聞。開寶末。召張氏於闕下。未遑。崇奉。值有同軌之會。及太宗即位。錫張氏命服。道號為羽人焉。令於所降之地。置太平宮。以旌其事。乃俾主之。先是。張氏在閭里。不拘小檢。使酒忤物。鄉人賤之。及天神所憑。則詳雅方正。真有道之士。景德中。王人張綸。因被命來岐下。與府尹語。張氏在鄉曲。為人所惡。一時之語。不復記憶。適值長安宰魏昌弼。亦在府中。相拉詣太平宮焚禮。方升殿。拜神降幃中。謂綸曰。卿數日前。與鳳翔知府說何事。綸戰汗驚惶。罔知所指。但俯伏稱不省知。又曰。卿再思。綸忽悟曰。臣曾與知府說。張在鄉曲事。又曰。鄉曲縱逸。不足為累。自今更不得說。自陝以西。三世為男子。惟張守真一人而已。鄉曲縱逸。豈足為累。綸謝過而退。丞相王冀公欽若。淳化二年。秋。自懷州赴舉。與西京武彞偕行。途次圃田。忽失公所。

在。覃遂止民家散僕尋之時日已晚不知所適俄一僕至驚悸而言曰自此數里有一神祠見公所跨馬弛韁宇下逕至蕭屏有門吏約云令公適與王相公歡飲不可入也某遂具失公之由以告于吏吏怒曰此豈有爾秀才之會某堅祈不已乃許窺竊見其中果有笙歌杯杔之宴某意緒愒愒不暇細辨覃訝其事與僕同往則見公已來酒半酣覃詢之笑而不答覃却到所止民家指公會處問之彼有何神皆曰裴晉公廟也覃心異之知公為非常人矣公登第後不數年為翰林學士使於兩川回輅至褒城驛方憩正寢從行將吏倏見導騎自外而入中有人云唐相國裴公入謁典客者亟白公悟然其來有如夙契於是具冠帶升廳事以見之相見標儀雄偉聲韻磊落密謂公大用之期至矣懷中出書一卷示公以富貴爵位默定之用言訖而隱當時左右雖有見者憚公方嚴不敢妄泄及公首冠台衡出俸修飾園田神祠自為文記始與人言則爛熳於眾口矣

曹州定陶縣長樂鄉呂煥操心凶險使酒剛暴動作不法閭里為患大中祥符五年春民間太宰瘴疫大起煥家所有皆殞同鄉則十損三四煥恨已無孑遺而妬他存者常蓄致害之意間有斃路以物搜歸剖磔腸胃棄於放牧之地欲令熏染覲令似

已遠近畏之。莫敢為言。是歲夏。煥以無力耕鑿。亦不播植。復見他人之畝。鬱然佳苗。顧己之田。鞠為茂草。心愈不平。一旦風雹驟至。煥亟詣野中。仰天祈曰。願風雨更甚。電塊益大。擊什稼穡。用快我心。言未畢。陰雲轉濃。咫尺不辨。忽見三人。衣青執捶。叱煥曰。爾愚賤之人。不能勤力自養。而乃幸如此。吾雷電之使也。殺爾何益。然俾世人知有天道。欲加小懲。遂驅之南去。於是持冰片。令抱之而行。長與身等。旋驅旋叱。艱苦備極。時於袖中探冰丸使含之。仍謂曰。茲爾之自招也。但覺寒凜徹骨。戰慄靡定。奔馳百餘里。各不少息。相次晴霽。煥忽如夢覺。復在舊處。四肢疲繭。若中沉疾。家人扶之而歸。厥後疾雖平愈。而精神恍惚。疑奪其魄也。

陝右山川形勝。而耀州為最。故唐帝陵多在其境。天聖三年。李夕拜防典是郡。予自回中入京。公以書邀予過郡。館于東齋。郡有僧道元者。年且九十餘。耳目不衰。予往訪焉。謂予曰。茲郡即唐京兆府華原縣。因溫韜建焉。老僧少年時。嘗見一薛將軍。說唐末事。一一可憶。薛將軍者。即當時閹豎。歷事昭宗。相獻議誅宦官。薛避難。竄身草莽。及莊宗入汴。反星冠羽服為道士焉。厥後諱名是郡開元觀。至太祖受命時。尚在。亦九十餘。但民間仍呼為將軍焉。溫韜之起兵。連郟次梁華。內外相結。合蟻聚動。至數

萬睢盱屈強法令莫制。遂建縣為郡。自領符節。唐帝諸陵靡不開發金寶之玩。取以自資。既開簡陵。內有銀羅漢十八身。各高五尺。其山座具備。環列於梓宮。每一身以十餘牛捧致。方出隊道。載以大車。碎之造器。他物莫有存者。簡陵乃懿宗也。今在州東北山造作。側旁有民肆。謂之園陵店。其開發之跡。依然可尋。予按唐書。自武宗憤釋氏恣橫。思去根本。詔令一出。掃蕩幾盡。大中已後。漸次仍舊。及懿宗愍前朝之致毀。乃竭力以興復。故修崇寺宇。則又過之。羅漢環於梓宮。即其意也。唐段成式說大層中有乞兒無兩手。以右足夾筆而寫經。此誠詭遇也。然今京師有一婦人。年四十餘。全無兩臂。自兩肩如削。巡行衢井。求丐為事。每梳頭髮。右足夾櫛。左足縮髮。及繫衣浣面。亦如之。其輕捷便穩。匹手無異。人多擲錢贈之。亟伸足取。貫革繩之上。略無凝滯。予為兒時見之。雖出處不定。時踰一紀。而豐凶寒暑。彼且無恙。體常充。衣亦自蔽。又段夕拜曄言景德中。因事到岳下。曾見一婦人無雙臂。但用兩足刺繡。褰片纖緻。與巧手相若。服飾頗潔。每止之處。觀者如堵。人競以錢投之。噫。世有無圖之人。手足完具。不能自養。乃甘死於溝壑。是其手臂反不如此二婦人足也。悲夫。引以驗成式之言。信不誣矣。

相國呂公端任補闕。與一供奉官被命同往高麗。既達其國。宣朝命畢。以風信未便。在高麗將及半年。未幾風便回棹。王加等贈遺奇珍異貨。盈載而歸。先是供奉者以公所得置之船底。已之所得在公物上。慮水氣見過也。公亦不問措置。委之而行。方至海心。風濤四起。舟欲傾倒。公神色自若。供奉者倉皇失圖。舟子前曰。風濤之由。以公等所載奇異海神秘惜。不欲令多到中國。但少拋水中。風必止矣。公如其言。令左右擲之。才半風息。得達登州岸。遂開其載。則在下者。呂公之物咸在。而供奉之物。居上者。略無孑遺矣。校供奉之物已罄矣。諒非海神秘惜。蓋罪小人用心奸險也。公以所存者中分入之。亦仁厚矣。

邠州靈應廟者。景德中詔修飾。內翰楊式卿億在西掖日被旨述記。今揭示於翠球。即其事而州人嚴奉其來久矣。被奸濫之輩。互相表裏。鼓惑愚民。於殿堂後別起密室。室內有巨穴。穴上覆繡箔。映以旌幡。香几外不得窺。廟祝稱云。神已親享。但見舉空器而出。以是莫敢致辨。大中祥符中。故掌武侍中王嗣宗。自長安移鎮邠。土素聞其事。而無跡可究。心常怒之。下車將半載。會子弟院有媿懷者。遂募民婦乳焉。其婦乃廟祝棄妻。怨舅姑無恩。懷憤頗極。遂言其穴。乃群狐所聚。潛雨童子其間。俾竊杯

梓之薦也。聞者達其事于公。公喜得其狀。翌日入廟。俯覘穴中。偽神其事。廟祝因而贊之。都不知。公審其詐。遂令設酒殽於穴側。而謂曰。豐潔之祀。覲神必享。吾當局鑰其戶。慮外物所侵。慎無擅開。信宿後。躬來省視也。廟祝不諭其意。及期公至。啓戶則杯棹宛然。據棄妻之言。鞠之。於是引伏立笞其背。盡室逐去。後召騎兵千人。執弓矢。鷹犬環於廟垣。投新塞穴。秉炬燎之。烟涌四出。群狐奔迸。頃刻擒戮。靡有噍類。密以泥緘其門。某絕祭享。但春秋旅奠而已。異哉。城狐社鼠。古昔所嗟。未若此飽飫鮮肥。憑恃廟貌。一旦蕩其窟穴。小大無遺。雖滿盈而自招。亦值王公之毒手也。

故滄州節度使米信。本銀下部落。以軍功累官至加節鉞。纖書聚斂。為時所鄙。京師龍和曲築大第。外營田園。內造邸舍。日入月算。何啻千緡。其長子任供奉官。以信之故。不敢自尊。但於富室厚利。以取錢自用。謂之老倒還。兼與契券為約。其詞以若父死。鐘聲才絕。本利齊到之語。蓋謂信才瞑目而亟還也。於是私募僕夫十餘輩。飾珍異以袍帶。令伺於宅左右。俟其出門。擁掖而去。鞍馬服玩。備極珍異。其黨則京師搖唇舌獵炙之徒。日有千數。謂其嬉遊。則信陵孟嘗諸公子。謂其用度。則石崇王濟。為鄙人諂佞互攻。聲駭不悟。而復大言。人間之物。靡有難致。錢去便到。其速如神。至於

進會。有奉其歡心者。器皿之具。盡傾與之。嘗謂盡此生逸樂。惟我而已。至信之卒時。已用過十餘萬緡。乃約齊交還。及信葬畢。籍其餘七比信時十餘五六焉。外無官俸。內用私帑。閨門百口之給。不可缺者。加以恣縱費蕩。更踰於前。以至鬻田園。貨邸店。未周歲而日入之緡亦絕。其弟方四歲。乳母與家人竊議若此不改。我輩皆為餒鬼。乳母乃抱小兒詣府陳訴。是時真宗在壽邸。尹開封府聞之。赫然具以上言。舉餘財與所訴之弟供奉者。斥出一簪不著身。仍除其班籍。因茲索然無歸。寄跡旅舍。乃歷自來游從之處。求衣食。人既數四。亦皆厭矣。遂於京師多假代獄卒。晝夜鈴子。軍巡。聊足糊口。素不服勞。又以疎怠。被逐京師。貨藥者多假弄獅子。獼猴為戲。聚集市人供奉者。形質么麼。頤頰尖薄。克肖獼猴。復委質於戲場焉。韋繩貫頸。跳躑不已。旁觀為之掩淚。而彼殊無愧色。噫。公侯之門。一旦如此。有其父。必生其子。何足恠耶。貝州歷亭縣民李忠。為本郡鄉兵首領。家頗儲蓄。雄視門里。多借貸與人。至收穫時。必親往聚斂。有石氏兄弟。事母不孝。最推凶暴。亦嘗舉忠物。每怨忠躬來督責。俟忠及門。二石潛殺其母。忠忠於官。誣其殺也。忠以二石所執。旁證明白。甘心伏法。案成棄市。忠家載其柩歸。焚之。未幾風雨暴作。掣電迅雷。擊死二石。頃刻開霽。踣尸於戶。

外背上各有朱字。言殺母之由。鄉人始知忠之寃也。時鄰村蘇氏被疾亡。經信宿。忽然而興。鄉人喜其再生。競來問訊。遽揮霍將起曰。茲非我家也。我本李忠。昨為石氏執稱殺其母。致自誣伏法。陰府主者曰。爾被枉死。其執爾者。今已俱至。於理甚明。爾須却回。我訴以本身已焚熟。回且何依。主者召案吏持簿閱之云。恰有李忠近鄰蘇公。到方兩日。但令托其身以生。我是以得歸。蘇家以為狂言。都不之信。因問蘇氏之事。惛然莫省。李氏之家事。細微畢知。先是忠少壯而形美。蘇則長髯而麓朴。及召忠妻至。見其朴貌。惡之。忠曰。爾何得棄我。我真爾夫也。妻問以生平所有。乃曰。我有烏色馬。兼有銀數笏。埋於東窗壁下。曾與戲竊米桑。刀置西屋瓦溝中。驗之皆然。以至詰幃陷之。密悉親屬小字。妻方果決為信。其蘇家不肯。李氏偕詣郡訴。靡能裁剴其始末。聲聞朝廷。亦無奈何。但勅本路均輸為辨析焉。其人後終歸李氏。時大中祥符八年也。

班行錢允疑。大中祥符末。督役于亳州太清宮。惟採宮中鵲鵲充庖膳。多自彈之。靡不應弦而落。朝夕不舍。栖宿或稀。或有勉之。則曰。天生此物。供口腹。若而致罪。況人乎。採捕之心。從茲益甚。眾皆怒其輕脫。更一日。因彈鐘樓上者。續紛墮地。允疑自往。

取之。忽躍入殿前花欄。允凝遂踰欄而入。不覺折栢一枚。正穿足心。尖上腕露。流血斗餘。人掖之。置于寢室。號呼彌月而卒。識者謂其餘誅焉。



友會談叢卷中

寅集七

華陽上官 融撰

定陶髣山。按皇覽家墓記云。本曹國葬地。彷彿似山。故名焉。其上有神祠。不詳建置。境內祈禱。頗彰靈應。太平興國三年。以地為廣濟軍。其廟備春秋之奠。至五年。秘書丞安德裕。出治軍事。下車之明年。自首春不雨。至仲夏多稼。將禱。庶民其各驕陽日。熾。或言髣山神祠。安備禮詣禱。方炷香奠。神自幃中冉冉而出。古服綈冠。拱揖而立。安以至誠所感。殊不為懼。遂訴愆亢之災。答曰。某堆阜之神。久竊鄉人之薦。愧無酬答。恨力小位卑。不能興致雲雨。雖則龍司厥職。動息由天。然上帝亦知旱暵時久。將施甘澤。今念公靡憚炎爍。俯為生聚。某當至主者室。密伺雨信。必得先期而報也。言訖而隱。安詢於左右。皆云。適無所見。惟爵小吏覩焉。安既歸。是夕纔寐。夢其神曰。雨候甚近。只在來早。安大喜。詰旦會僚佐而白之。眾以為誕。未有信者。俄而陰雲四塞。雷電齊至。大澍三日。千里告足。乃賀曰。此明公之誠感髣山之驗也。翌日。安具牲牢拜謝。泰州推官滕宗諒。有知人之鑒。向侍中珙本路下下操刀者。最無行檢。滕布衣日。偏與親狎。不以剽宰待之。向私一婦人。相得頗厚。其婦人患厥夫窺伺。寘毒。

斃之。洵向之來。具道其實云。茲後無礙矣。向聞之大怒。擇婦人至市。具疏其事而逸。人義之而亦不逐。或謂滕曰。向凶穢若此而與之交。豈不累盛德乎。滕曰。似向公者。真奇士也。爾輩碌碌焉。能知之。才十數年。果奮發遭遇。出建旌鉞。首辟滕公入幕。及保釐西郊。隨軒亦至。恩顧隆盛。終始不衰焉。

戶部張侍郎雍。滕之壻也。張本河朔人。世作田業。值犬戎入寇。盡室為虜。既達漁陽。暮留張在寺中。主僧見之喜。令侍左右。將七八年。例得剃度。文字欲下。張思之曰。若髡首披緇。無由逃矣。是夕潛遁。與牧馬者偕行。始得達鄉里。井閭桑麻。易之他姓。了然無依。因游學洛中。滕時退居。見張於門側。召至而奇之曰。有前程人也。吾女可以妻之。歸告夫人。夫人怒曰。嘗謂此女奇相。當擇佳壻。如何許與丐者。是棄之耳。滕曰。非卿所知。況已言約在官。法不可移。違之必貽咎矣。夫人信而從焉。乃促張定物。張曰。懷無百錢。何力可至。滕笑曰。但酒數升足矣。依而餉之。答以襲衣束素。延於清淨院。俾勤志焉。來春果明經登科。方克備禮成會。厥後歷踐清顯。周旋三紀。終於二卿之祿。其子今列閨籍焉。且夫向侍中之居屠肆。張戶部之為囚虜。謂張寒餓可也。而待之以殊禮。妻之以愛女。苟非達識曷以臻此乎。今世之人。以貧富為賢愚。以炎涼

為去就聞之得不抱羞乎。

呂蒙周任江南幕職。既受代與室家婢僕輩泛舟西歸。內一僕患瘕未得瘥。蒙周以船小暑熱妨於出處。又慮相染。心頗厭之。因江擠於中流。僕者久熱被體。忽得水涼兼素善游泳。雖困憊且甚強。隨波上下。相次至岸。有漁叟憇之。真於家。身沾席間。聞兩岸喧然。僕者扶力出望。見蒙周之船傾側波間。篙楫莫制。移時沉溺。僕者雪涕嗟嘆。與漁叟具聞官司。俾為索焉。不數日。盡得蒙周及家人之屍。而僕者疾已間矣。於是悲心致哀。昇置具櫬而焚之。辨析立標掩瘞。乃踰越險阻。白其親屬。靡懷擠江之怨焉。夫趨走事人。誠為愚賤。蒙周厭其臥疾。致之死地。是不仁也。及茲傾沒。僕當鼓舞而幸災。乃不念舊惡。力為主張掩瘞。而告其族。此世之難能也。則服名教。曳縉紳者。外貌是矣。其中心未必如斯人也。

柳如京開。與處諸潘閭。為莫逆交。尚氣自任。潘常嗤之。端拱中。典州。遂出睢陽。潘先卜居在彼。迎謁河涘。時正炎酷。柳云。可偕往傳舍。就清涼宵話也。洎到傳舍。止於廳事中堂。局鋪甚秘。柳怒。將咎驛吏。吏曰。此非敢斬舊傳舍者。多不自安。向無人居。十稔矣。柳強曰。吾文章可以驚鬼神。膽氣可以聳夷夏。縱有凶怪。因而屏之。於是啟門。

掃除處中坐。閨潛思曰。古人尚不敢敗暗室。何給我之甚。豈有人不畏神乎。乃謂柳曰。今夕且歸製少湯餌。凌晨用藉手為別。此室虛寂。諸公卜霄可也。柳諾之。閨出。密謂驛吏曰。柳公我之故人。常輕言自衛。今作戲怖渠無致訝也。閨薄暮方來。以黛染身。衣豹文。憤鼻吐牙。被髮執巨筆。由外垣上正據廳脊。俯視堂前。是夜月色晴霽。洞鑒毛髮。柳尚不寐。或斂衣循牆而行。閨忽叱之。柳竦然舉目。初不甚懼。再呵之。似覺皇恐。遽云。某假道赴任。暫憩此館。非意干忤。幸乞恕之。閨遂疏柳平生幽隱不法之事。揚聲曰。陰府以汝積戾如此。俾吾持符追攝。便須行也。柳乃茫然設拜曰。事誠有之。其如官署未達。家事未了。盛年昭代。忽便捨焉。倘垂恩庇之誠。有厚報言訖再拜。繼之以泣。閨徐曰。汝識吾否。柳曰。塵下士不識聖者。乃曰。只吾便是潘閨也。柳知其所為。不勝慚沮。再三邀閨下屋。閨曰。公性躁暴。不索人戲。他日必辱我以惡言矣。於是潛遁。柳亟歸舟。解纜使去。聞者為之絕倒。河東剛毅人皆畏之。一旦為逍遙所怖。幾乎泣血。古人云。雖能言之。而不能行之。此之謂也。况其下者乎。

都官員外郎中師言。至道初。在京師上元夜。與朋立端門下。俟車駕以觀。俄頃。太宗乘步輦。自南來棘闥中。宜僚都盧曼延之戲。溢目不可紀。其間一人負巨盞膏焰。

其人迎立於駕前。乃揚言曰。大家看臣藏火之戲。聖君亦為屬目。負盜者遂褫去餘服。止披一綈袍。向火盜而掩之。拉綈袍在兩手團之。如無物移。時擲於地。即舉而披之。襟袖間尚氣焰四溢。仍灼其鬢眉焉。逡巡豁開。綈袍火而披之。盜盜如故而火猛烈之勢愈甚。太宗駭視久之。賜與加等。又說應舉時於天街見弄盜者。其盜百隻。置於左右手。更互擲之。常一半在空。遞相拽。擊聲皆中節。雖觀者如堵。但心目眩轉。莫測其所學焉。夫技藝駭眾。世自有之。不經見者。以為妄談。而列子所說。周穆王時。西極之國。有化人來入水火。貫金石。千變萬化。不可窮極。則藏火之人。近之又宋簡子弄七劍。迭而躍之。五劍常在空。則擲盜者。方之。彼何足異乎。

瀛州團練使李廷渥。蒞邊郡日。虞人獲子母胡孫。為獻。子甚小。繫在馬院。其子跳躍出院。為鷗所搏。母號呼奮擲。晝夜不絕。一旦齧其繩而逸之。捕之莫得。忽於庖中。竊肉置瓦溝上。潛身屋隙間。伺鷗下。蹶跳而擒之。遽抉雙目。次除兩翅。乃携至廐舍。緩剖其腹。磔裂腸胃。陳之於前。哀號數聲。以祭其子。然後寸寸斷之。肉皆析為縷焉。廐吏驚報。廷渥覩而嘆息。遂令人送入山中。噫。天性之慈。由於人也。教彼於質。則愛愛生於心。周旋而不失其正者。厥惟上智乎。橫目豔豔。識有愚下。惑於遠而泛於近。捨